



616

Broj: 03-03-05-18844/18
Sarajevo, 20.04.2018. godine

* **SKUPŠTINA KANTONA SARAJEVO**
n/r predsjedateljice, prof. Ane Babić

PREDMET: Odgovor na zastupničko pitanje zastupnika Rađo Dževada,
dostavlja se -

Na 40. Radnoj sjednici Skupštine Kantona Sarajevo, održanoj 04.04.2018. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Rađo Dževad postavio je zastupničko pitanje, koje glasi:

"Ovih dana čitamo da je ministar pravde i uprave Kantona Sarajevo više puta govorio o velikom broju registrovanih udruženja građana u Kantonu Sarajevo, da ih je čak više od 2.200, od čega oko 180 boračkih udruženja (samo u Kantonu Sarajevo).

Mene sada interesuje, koliko je tačno udruženja koja su registrovana i nisu ugašena u Kantonu Sarajevo, za koje se namjene organizuju i kako se finansiraju?

Tražim ukupan broj udruženja i broj po vrsti organizovanja (npr. boračka udruženja, sportska udruženja, humanitarna, kulturna i dr.)".

ODGOVOR:

Ministarstvo pravde i uprave Kantona Sarajevo u skladu sa odredbama Zakona o udruženjima i fondacijama ("Službene novine Federacije Bosne i Hercegovine", broj 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija ("Službene novine Federacije Bosne i Hercegovine", broj 61/02) vrši upis u registar udruženja i upis promjena u registar udruženja, za udruženja koja djeluju na području Kantona Sarajevo.

Udruženje je, u smislu Zakona o udruženjima i fondacijama, svaki oblik dobrovoljnog povezivanja više fizičkih ili pravnih lica radi unapređenja i ostvarivanja nekog zajedničkog ili općeg interesa ili cilja, u skladu s Ustavom i Zakonom, a čija osnovna svrha nije sticanje dobiti.

U registar udruženja koji se vodi kod Ministarstva pravde i uprave Kantona Sarajevo djeluje ukupno 2119 udruženja.

Od navedenog broja, udruženja se mogu svrstati prema oblastima djelovanja, kako slijedi:

- iz oblasti kulture i sporta djeluje 1189 udruženja,
- iz oblasti obrazovanja nauke i mladih djeluje 232 udruženja,
- iz oblasti boračkih pitanja djeluje 204 udruženja.
- iz oblasti rada, socijalne politike, raseljenih lica i izbjeglica djeluje 245 udruženja.

U skladu sa odredbama člana 38. Zakona o udruženjima i fondacijama imovinu udruženja čine:

- članarine,
- dobrovoljni prilozi i pokloni fizičkih i pravnih lica,
- sredstva dodjeljenja iz budžeta,
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda,
- prihodi stečeni obavljanjem privredne djelatnosti preko posebno osnovnih pravnih lica,
- drugi prihodi stečeni, u skladu sa Zakonom i statutom.

Postupak dodjele novčanih sredstava za finansiranje/sufinansiranje programa i projekata udruženja iz budžeta Kantona Sarajevo regulisan je Uredbom o kriterijima za finansiranje programa i projekata neprofitnih organizacija i udruženja koja se finansiraju-sufinansiraju iz budžeta Kantona Sarajevo, ("Službene novine Kantona Sarajevo broj", 33/11, 3/12-Ispravka, 37/13, 16/14, 6/17).


S poštovanjem,

MINISTAR

Ma [redacted] enadić

Dostaviti:

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. a/a.



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

